



集

二十九卷

十四

16  
1533  
48

早稻田大學附屬  
圖書館  
寄第  
第 號  
第 卷  
此書館外不許帶出



1533  
#048



羅山林先生詩集卷第三十九

哀悼一

奉悼尾陽亞相慶安三年

今茲仲夏七日是何日哉如何不淑二品亞相  
尾陽君侯不豫日夕遂即世于武江邸闔國皆  
驚無不悲嘆焉既而奉送靈輓于尾州僕繫匏  
於武江不能奔哭聊綴楚詩一律呈其家臣以  
洩餘哀云

亞槐義譽冠搏桑家國懷恩永不忘講武孫具持

節度致君堯舜見羹牆經營聖殿蘋花動寄賜儒  
衣荷葉芳淚與梅霖相共落江城五月做悲涼  
甲詞一絕謹獻令嗣參議君之左右  
手裏三軍坐折衝一方侯伯大邦封士林雖歎鳳  
枝落新竹兒孫元是龍

尾陽侯小祥忌 慶安四年

余別業之先聖殿者尾陽侯源敬君之所初建  
也其崇聖廟同儒之盛意偉哉今茲辛卯五月七  
日正當君之小祥不爾道慕不忘恩賚謹賦單

詩聊表微忱以奉告于殿階側嗚呼日月逝矣  
庶乎事亡如事存

臯月蘋繁惟尚歆速香一瓣致恭欽英靈如在昊  
天際可見去年今日心

尾陽侯忌日 承應二年

五月七日携函三泊友生三四輩到文殊院晚  
炊了入溫室浴於是日懷舊為題作一絕  
是日尾陽侯源敬君之諱日也因表微忱云  
侯伯德容何日忘綠陰騰茂士林涼一從商相霖

晴後瞻望夏天箕尾張

龔テ依筑州牧伯長政公辭世倭歌末句之字  
以綴絕句三首而擬挽詞云

三尺秋霜清又融功名事事蓋棺終人間易失風  
雲將一夜魁星列碧空

五十六年唯夢中惺惺喚起主人公目前清淨宮  
崎景蘿月松風共說空

慎終深愛淚痕紅方寸分明孝與忠君是如舟宜  
嗣國好風浪穩海西空

後一首者聊呈令嗣忠之君之服次元和九年仲秋日

追悼加賀羽林君詩并序 正保三年

去歲四月五日之朝羽林菅君饗乃父黃門于  
茶寮同伴一兩輩座未闌君在壁後嘔吐眩暈  
暴卒人皆驚遽之餘雖以蜜藥使含之遂至不  
起年三十一嗚呼惜哉君嘗招余時時迎接其  
暇日或請聽大學中庸或講論語而終編且晤  
語之間乃父在則雖難聞斯行然其志可以觀  
乎天若假之年則其前程不可測也况其治國

撫民之政世既稱之乎而今如此嗚呼惜哉頃

余卧病居然追慕之賦律詩一章云

吉凶壽夭問蒼天天道不言誰使然趙普讀書匡  
胤劉穆生嘗醴楚王庭青年早作北州伯白日俄  
為上界仙偶遇士林萎蕤際滿襟老淚滄華顛

又

四月五日加州少將之一周辰也令嗣大千代

去歲襲封

追悼羽林無等倫周期早到淚眇新假饒種子誇

雍伯玉辟去年今日人

大久保相模太守挽詞呈石川主殿頭

永訣家君憂更憂尋常陟嶠淚如流連枝蘭菊知

何日一葉梧桐不待秋寬永五年

奉和石川公喪母堂挽歌韻

孝心知年一喜懼日夜流水不少住背無萱草能

耐秋淚有夢我唯泣露寬永元年

按石川主殿頭敦高實大久保相模守次

男也養於外祖石川氏嗣其家敦高後改

名忠總

寬永七丑孟夏二十九日值傑山公之周忌  
樺來禪衲被唱一偈余亦賡而和其韻兼呈  
於尚食監之左右云爾

慈親未訣巨攀綠駸駸駒陰一歲遷孝子餘哀何

所似庭松樹上杜鵑懸

板倉伊賀守法  
諱源英字傑山

修得禪門香火綠孝心猶記忌年遷寬民一洗棠  
陰下今在冥司解倒懸

酒井備後守挽詞二首 寬永四年

丁卯之冬酒井備州太守嬰宿痾更醫萬方無  
驗十一月十四日遂捐館舍嗚呼惜哉太守平  
生事上則如魚之有水撫下則如乳之哺兒臨  
軍則如虎羆之于郊守城則如龜玉之不毀於  
積誠政道之輔佐國家之倚賴者乎於是舉世  
無不痛惜焉太守知余有年矣不可無挽詞以  
獻之時間有一老衲賦一偈而悼之余偶記其  
韻以和之綴二首而奉吊慰之其一則姑效方  
外體以太守嘗慕洞上之禪故也其一則聊抒

下情而奉助令嗣讚列公之餘哀云爾  
元是無生豈有涯人情且做世間嗟雷搖鐵樹三  
冬暖不待東風入百花  
先考遠登天一涯夢中猶見足歎嗟孝心永使本  
根在子子生枝歲歲花

島田利正之妣之喪賀古正利助哀以歌而  
其吟悲摘情以詞而其意切使為人之親者  
見焉則可以思其慈為入之子者讀焉則可  
以思其孝蓋歌詞之感人心者其如此嗚呼

天下豈有無父母之國哉見之者誰其不然  
於是乎人之性善愈有信矣余與賀古在柳  
生氏之席而賀古今余見之且索其和余亦  
讀之不得無感因次韻以寄賀古兼呈嶋田  
氏云

一日萱堂俄爾終哀情多處淚無窮古今天下有  
通喪遺愛三年人勿空  
丁未孟夏下浣  
寬永五年孟冬上旬嶋田越州太守權河魚  
之疾俄逝於難波第其計聞于東武城令弟

霜臺君驚遽之餘哀悼不已一隻之珊瑚忽  
沉于海底秀色既消同根之紫荊早萎于庭  
際並蒂獨存誰人不悲且惜哉東舟子賦倭  
歌二首以吊之予聞而不克默止因綴絕句  
二章以染筆於薤露云爾  
依倭歌韻

何意難兄永別離自今消息不應期天倫樂事秋  
適後愁淚唯遭落葉知

疊璧聯珠共一雙計音驚恠足音是淚痕點點寒  
如雨滴到愁城何日降

挽詞一章悼竹丹牧之失令愛以慰其至哀  
云

窈窕芳魂招不來此生永訣有餘哀  
巖雪三月夭桃六月梅  
寬永五年夏

竹中君權佐者丹州太守之愛子也戊辰之  
秋嬰疾早世嗚呼哀哉於是賦一律以悼之  
昔子夏失明被責于曾子是亦太守不可不  
思焉

此君鍾愛忽歸泉惜別吞聲魂黯然鳴鶴在陰今



獸唱飛鴻失影昔誰憐聖車何乞葬猶厚靈藥雖  
更命不全一陣秋風吹又斲檐前蕉樹奈無堅

稻葉佐渡守挽詞二首

今茲季秋十六日之夕佐州太守嬰疾而逝嗚  
呼哀哉夫惟太守越智是姓稻葉爲氏諱曰正  
成職號佐牧公侯于城宜捕敵如且晚免國家  
守牧欲治民而烹小鮮幸逢士林碩茂之日猶  
追武門興起之風其所期者仕君則桓榮之五  
更復觀於茲臨軍則陳平之六奇須考于彼然

所恨者肅霜初墮雖長白髮於岐陽微雲天邊  
頽齡難制遂摧黃花于山東九日節後嗚呼惜  
哉令嗣丹州賢牧涕泗不止縗麻何乾平生至  
孝於是見焉夫約終身喪於三年者聖賢之制  
也省大祥禫于五旬者國俗之例也然則孝子  
之心不可已也是禮也何忘哉因綴俚語二章  
以代挽詞謹思太守之靈儀猥觸賢牧之服次  
聊奉常慰之云爾

陣陣西風物盡凋魂歸冥漠不能招唯憐晚節比

殘菊露與秋香一夜消

夢裏慈容人尚非孝心一點禮無違靈前可有明

案薦秋蒲稻梁家亦肥寬永五年秋

挽詞一章追悼稻丹公聊述餘哀以供牌前

云寬永十一年

仕官餘力善治家五馬遙憐去駕霞一夜東風吹

笛裂江城正月落梅花正月二十五日夜  
丹州死去

甲戌正月二十五日戌時稻丹公捐館吁哀

哉惜哉其家臣塚田木工助不堪悲慕其夜

自裁殉其閭維人皆感其義哀其情余亦綴

一絕以悼焉云

壯歲青春一瞬纔曉風吹撥寸丹灰縱然不逐三  
良迹黃鳥交交人尚哀

追悼脇坂左兵衛尉用淡州太守所賦倭歌

韻二首寬永十三年

古來人生雖如寄養得却悲失令嗣一枝暴雨少  
年春花中父母濺紅淚

掌中玉子永訣離花鳥等閑問服次野馬不被遊

絲縻塞叟夢啼春風淚

和小堀遠江守哀歌之韻寬未十三年

遠者易忘也而能追之去者日踈也而如存焉  
是人情之所宜慎而古今之所稱羨也今茲之  
春小堀遠州太守值先考之清淨本然忌於是  
就湘寺之蓮社設伊蒲塞桑門之盛饌樹林念  
法則花香猶燒案頭之一瓣春會誦經則黃鶯  
亦唱堂前之三寶動植如此况於人乎人間之  
樂邦從後之蓮國去此不遠棲心淨域况於先

考乎其蓮社即曾所葬先考也其能追遠加事  
存之意可謂不忘本矣禮曰君子有終身之喪  
謂忌且也孝哉太守思慕之至乃賦倭歌以洩  
餘哀請余書其事不克峻拒因摘其歌之末字  
以和之云爾

春來三十三回忌孝愛占得方寸地有花無人感  
今時滴盡東風壯夫淚

脇坂君之母堂在信州采邑今茲孟夏嬰徽  
恙而終焉時君守駿府之營忽聞其訃驚定

拭淚因唱倭歌以表中曲蓋官事無益不克  
奔喪可以見其心余官遊東武聞之不能往  
吊於是撮其歌末字以為繼聲裁狂斐一章  
助其薤蒿擬之芻玉云爾

契闊存亡念毋慈天涯告別淚淋漓黃鸝欲覓紅  
殘處落入綠陰人僉悲寬永十六年

悼柳生刑部吊慰其父但馬守  
人世誰逃失寧馨離憂加醉早難醒本心涼月雲  
聊掩一陣清風不入冥寬永十六年○倭字小序  
載好集

因田淡州太守之室家罹恙俄然屬續哀哉  
時寬永二十年癸未三月十八日也常念法  
華經奉持信篤於是葬送之長祐山兼教練  
祭乃令住持性澄院上人日通薦其冥福速  
得菩提何疑之有哉既而與太守修交者多  
追悼焉聞計者誰不感嘆乎余亦因其所告  
以擬挽歌聊慰其鼓盆之餘哀云  
哀淚一朝雙袖濡暮春花落不須史莫言如露如  
泡影身是南方龍女珠

悼佐久間左吉吊慰其父將監

英妙少年，叢春初悼，早終吞聲，遲日別花，泣向東風。  
倭字序并哀歌載外集

和脇淡牧哀歌追悼土井拾遺君吊慰令嗣

遠州太守

脇坂君守下館城寄書有言聞古河侍從土井公在江戶捐館于七月十日而哀慕之餘誅挽歌二首以吊慰令嗣遠州牧君今示其稿焉余誦之則不可謂淚之無從也因摘其末字賦絕

句二篇以奉呈牧君聊洩其餘哀云

大老元功舉世推，秋風驚破棟梁材。胸中積霧眼中露，月色紙今更苦哉。

顯名後代是英雄，忠孝猶勤方寸中。一葉落時還看桂，天香吹起士林風。

追悼松平右衛門大夫

今茲季夏二十二日之夕，松平右金吾大夫源君俄然屬纊，哀惜有餘，聞訃者皆莫不驚嗟，既而津送之于巖築平林禪寺，余被君識年久矣。

於是悼傷之餘賦律詩一章以擬緇謳且副速  
香一炷而投贈之云

芭蕉昨夢忽成空淚雨猶沾枕破紅三代  
柳營  
呼右衛一門桃李向東風士岌雪脆夏雲上武塋  
煙愁涼露中遙指平林頗想像炎天梅葉換爐烘

戊子六月日

從四位主殿頭石川君忠總舊病不起竟蓋  
棺於江城之館時慶安三年十二月二十四  
日之夕也嗚呼惜哉既而送之于其采地江

州膳處城以葬有期余追慕之餘賦一絕以  
代殯歌

勵武慕文常詠嘆鐵城牢築守江干淚衫忽被  
湖濕離岸塵舟風浪寒

辛卯三月十二日之曉阿部正之俄然辭世  
吁哀哉挽詞一章言追悼之志以贈令嗣之  
服次

二年猶欠者稀年聞訃淚痕流似泉一夜暴風無  
限恨桃花節後白櫻前

死生常事亦奚疑遺體須存平日慈家有江梅佳  
實在落花無奈不歸枝第三句改作家有士林嘉

悼伊達左京亮

兼應二年五月二十九日伊達君左京兆舊病  
不巳遂不祿先是招余父子于簣前有所託言  
然家臣拘于時俗送茶昆噫不克襄事不堪  
哀憤於是聞收其餘骨赴於豫州焉乃作一律  
以代挽詞

藤派一枝長英年未滿強大鈞華月縮小盡夕陽

忙煙白北邙草波紅南海航喪儀言在耳雙袖淚  
千行

脇坂淡牧今茲在信州采地嬰宿痾癸冬三  
日之夜遂不祿不堪痛惜之至因綴挽詞聊

寫餘哀云

凍雲杳遠幾山川聞訃悲風冬未天縱是宅年無  
宿草每逢花月露潸然癸巳十二月中旬旬

脇坂安親者八雲軒藤亨君之家臣也追悼  
君之拍館舍賦倭歌并序請余視之且乞為

乏和想其哀慕發自心地則誦之者可以增  
感慨於是撮其末字為韻作一絕依其詩  
舊君永訣幾悲歎堪感倭詞呈寸丹回首瞻望涕  
如雨八雲變化暮雲端

今茲季冬初二日值關坂淡州君之二周諱  
辰時令嗣中書君賜官暇在信州伊奈城行  
太祥之禮誠如事存也其奉先之志不亦可  
乎余在東武遙聞之不堪哀慕聊賦絕句以  
奉呈之

何日相忘永訣情忌辰三歲信陽城露寒宿草千  
般泣臘裏春風吹又生明曆元年嘉平上浣

伊達兵部君有中秋佳作一日被示之副以  
手簡頃逢其良娣喪故餘哀之情見於其詩  
於是奉和之

三五雖晴懶對樓影娥圓照却生愁連枝片拆西  
河桂冷視天香雲外秋乙未仲秋日

尾陽亞相君易簪家臣寺尾土佐守直政不  
堪悲慕即時自殉焉識與不識悉皆感慨因



賦一絕以備於牌前

別離魂斷忽歸泉料識君臣心愈堅一點殘星夏  
雲暗月愁萬歲夜來天 慶安三年五月七日

羅山林先生詩集卷第二十九 終

羅山林先生詩集卷第四十

哀悼二

絕句二首敬悼北肉滕先生

元和五年九月九日朝中風失

音不語十一  
日朝遂逝去

絕代儒宗真廣辟一朝永訣惱心肝風吹羅帶大  
林谷此亦幾人無淚看

只恐天將喪此文自今警效不能聞光風一夜秋  
風夢月隱中庭草樹雲

又賦五言排律一首奉追悼焉

先生忽棄群歸去帝鄉雲淨凡五更燭深衣十幅  
裾異端能早辨吾道既朝聞和靖無封禪陶潛有  
祭文幽閑知獨樂清酌發微醺疾首人同獸誅心  
臣弒君雅風排鄭衛後代接關閩學術淵源遠論  
談涇渭分若非來扣問爭見往慙慙昔在西鄙歲  
研朱點東墳近遊南紀日鐫石勒神勲韓杜豈遺  
恨柳顏如得筋冷泉高韻久倭國咏歌芬形像留  
圖畫靈魂揚盛煮青雲將側席猶待聘玄纁黃壤  
俄埋璧尤悲行寶稟命哉天默默逝者水法法明

信以時祀澗毛可薦并

和管玄東慈母挽詞并序

母也天只劬勞鞠育之恩不可須臾忘也聖人  
之教必以孝爲先故孔子曰吾行在孝經夫孝  
者人心之所固有也豈外求哉全而盡之斯爲  
義矣天下未有無父母之國上之聰明睿智下  
之愚闇不肖貴焉王公侯卿賤焉輿僮穉獲遠  
而四海之外久而億千載之前爲人之子者皆  
有此心是故以寤生之險而不能無悔于考叔

之言以呂政之暴而不克無感於茅焦之諫此孝  
之不可以已也且飛者反哺吾知其為雅走者  
跪乳吾知其為羔况人乎彼遊方之外者生而  
李耳剖左腋養而墨翟兼愛死而原壤歌狸首  
加旃拘律阨之壤之鬼不其餒而希運之壤擲  
殺于太義渡有天地不能轉載之罪而人不之  
知也悲夫可以人不如禽獸乎余幼失母長又  
喪養母霜露之愴風樹之悲無處無時萌乎中  
心古人負米奉檄之意良有以哉是以異端所

謂棄恩無後者吾甚拙之昌黎之家法不在茲  
乎余豈好事哉今茲玄東失慈母哭泣擗踊之  
餘綴文詞吟歌詩而抒其情洩其哀一日齋來  
其詩文以示余余讀之其吟悲其聲戚感動于  
心者不可掩焉不翅如瓊芥磁針霜鐘雨礎而  
已易曰同氣相求其斯之謂乎是行也乎問不  
慟然若余真知其哀者誰歟譬如譚虎傷於虎  
者實畏而失色若其不然弔者憫者挽詞者終  
日道火而口不燒之類也東求余詩文因為和

乏二首并爲之叙而告事親者示之

哀哀慈母奈初終應是縷麻大小紅黃落山川人  
滴淚任吹木葉與西風

孝子慈孫宜謹終中心泣血淚流紅平生深愛植  
萱處今日增悲撼樹風

悼永喜外族布施氏有後字序并歌載外集

英年偶爾閱春秋夢落人間覺即休原草青青武  
藏野可憐埋骨不理憂元和戊午夏五

和道圓哀溺詩韻

那波道圓寓居于江城之一日小溪溺死于池

濠噫身無舟腰無匏不測揭厲不習潛泳如李

之沉如羽之積如載之臭如石之轉如芥之入

弱水遂至不可手援也既而屍出矣撲頭擊腹

令吐水噴沫而艾蕪于腦于臍以候其氣息不

可得也燔柴於其左右求其身温又不可得也

瀝雞冠鮮血於口中又不得下喉也無如之何

而已於是輿尸而歸翌日道圓作絕句以悼之

予以爲是乃死而不吊者三之一而復雖有憑

河之誠然哀瀕之文有古人在故余亦聞見之  
所不忍不可已也因次韻而寄焉

可憐左右是雙股岸壞殺魚迷又疑童僕得喪流  
水在橋邊占否旅之時 戊午八月四日

聞道安豚子有父之喪漫賦一絕以慰其餘

哀云

父子深情本自如奈何說返未生初疾悲無妄先  
堂藥淚濺儒門事親書 元和五年

悼小川道會

今歲春三月小川氏俊正之慈父道會疾大漸  
和緩輟手四月初四蓋棺了噫哀哉越五月上  
浣告訖于東武余聞而樹心然不能往而予之  
無由縮地奈何哉豈不爾思室是遠而於是乎  
賦四韻一章絕句一篇以擬挽辭而寄於服次  
聊助孝子之至哀云

乃翁計至駭人肝想像縷麻淚不乾手澤猶新茶  
窳器首邊空駐藥鑪丹老萊只喜着編戲宰我應  
慙食稻安五十五年一彈指便知混沌是團丸

道會平白嗜茗苑有廬陸之風  
卒時五十有五歲故詩中及此

存歿奉親人可欽鳥中猶是有曾參縱然忍字及  
新發勿割三年不改心元和六年仲夏

黑川光信生有外祖母之喪其不為徑情直  
行而為哀慟之節者可謂善居喪者耶絕句  
一首以助其至哀云爾

風露悽愴孝子誠中心面自淚痕生陳情表上西  
山日落作暮簾春雨聲元和七年

紹閑生遊余之門者有日矣丁且不幸而逝

于今茲仲秋二十一日哀哉光陰荏苒匪一

月而餘哀不能已焉綴一絕以述交朋之義

彼既有歸則於我不殯云爾

不意斯人俄告終哀情日日永無窮別離一月如

經歲埋在秋風宿草中辛酉季秋下浣

今夏阿良祐之生有兄喪絕句一首聊助其

餘哀云

夢覺棗棠花下春怡怡遺愛悼天倫淚痕應有杜  
鵑續衣濕黃梅雨裏人乙丑之夏

挽詞二絕悼後藤光次老人

乙丑七月廿四日歿年五十五

世間隨例夕悲秋况又平生思舊遊  
一夜西風急吹淚如今豈獨古藤州

梧葉風聲搖落天渺茫往事忽歸泉  
秋螢點破黃梁夢五十年來又五年

真正在東關奔交喪于京師

露露悽悽匹馬忙天涯隔處是家鄉  
遠遊東海魚千里驚破北風鴻一行

乙丑之冬一溪老者太醫延壽院法印之師父而道三

法印之乃祖也今春延壽翁逢其清淨本然  
之忌辰設報本之奠施追遠之德可不謂善  
繼志善述事者也乎龍阜金地和尚聞此盛  
舉而唱祇夜一章見寄之於是道三法印和  
其韻而使其令嗣以被示余可以嘉嘆焉令  
嗣者今之尚藥局也余亦聊嗣其響云  
妙術靈方且古今起居飲食豈無箴一溪分得丹  
溪派誰測醫源深益深寬永三年

丁卯歲本庵宗務丈失令愛時夫塔梅雲赴

洛未還物故畢歸來其悲哀不可言也冰清  
玉潤俱變其色噫不於邑乎於是鳴田憲臺  
乃賦挽歌一章被弔之可謂至哀見言表余  
摘其歌末字以為韻綴絕句三首而寄焉其  
一首示梅雲云爾

并年早過逝川水情鐘枕頭殘藥裏淚痕却似助  
餘哀一滴薤露聊願比

聞說阿娘淑且美一朝永訣入蒿里若使外孫傳  
冷弓宜把香山居士比

平日室家宜之子陌頭柳色凋不起衣如羽翼架  
如肩唯嘆無人可相比寬永四年

寸苗翁紹之與東舟子談倭歌有日矣而古  
今倭歌集與昔其所傳蓋有由焉今茲季冬  
初翁歲七十六物故於是東舟子賦反歌三  
首并序以悼之余偶見之摘其歌首尾字作  
三絕句以代不巷歌之哀云

思無邪是一言句相似倭歌風與賦可惜不能留  
此翁淚痕夙夜奈多露



歎息老人俄爾逝寒窓短白却如歲一寸苗心枯  
不亡詞林華藻永傳世

七十六年猶掣電秋蟲吟了臘鸞轉遺文依舊在  
床頭軸軸空開手中見寬永四年

三月下旬春江生慈母病歿於山背孟夏中

旬起告江生官遊在東關慟哭哀慕不可勝  
言也挽詞一章以慰餘哀云爾

母堂訃到淚痕紅花落杜鵑枝上風唯使丹心如

赤子遠遊膝下孝相同寬永五年

依東山子倭歌末字以悼慰道圓喪繼云

平日冝家哲同穴豈圖孤枕淚流血幽魂不返此  
生休生別悲何如死別

閨闈和柔心亦同唯憐救病藥無功暴風一夜哭  
花去葬玉埋香黃壤中

高西夕雲老人嬰疾歿於東武之江府余聞  
其訃不耐悲傷於是絕代薤蒿以弔慰十

如禪師云爾

嬰錄此翁尤拔群治民督役每辛勤愁心深積士

巖雪變作關東日暮雲

見諱用古例  
寬永六年

今茲孟冬正堅丈之慈父逝於北州不堪哀  
慕賦唐律洩悲情以被示之余亦為之不能  
不賈涕於是和韻而弔悵之寬永六年

遠訪慈闈床箒前唯驚沉痾轉推遷山川每望秋

宵月霜露最悽冬日天相失塞垣雲雁影要終星

運土蛇年挽詞瀉下滂沱淚血色衣裙一片殘

小絕一章以代挽詞聊慰齋藤重吉居喪于

河越云爾

秋雲何日開風送入麻縷惆悵三芳野雁飛人不  
來

唐絕一首追悼八幡山昭乘阿闍梨聊抒哀

情之感云爾

寫生入木共無雙堂是松花房是瀧船順神風雖

到岸米家書盡沒滄江寬永十六年

增上寺方丈老師赴于安養於是乎若州拾

遺君有追悼之挽歌余謂之不堪感歎之至

漫採其末句之字以為韻乃奉呈馬

笏室俄空秋更深  
薤露不乾風凜凜  
夢見明月入海流  
被撐珊瑚一枝枕  
庚辰暮秋日

哭正意

壬午十一月二十日之夕  
杏菴法眼正意在東武屬  
續了吁痛哉是吾四十餘年之交也  
哀悼之餘乃綴一律以代虞殯

丹溪術業務覃研  
况又欲尋伊洛淵  
老髮雖望添白雪  
舊遊難奈入黃泉  
杏園懇謝曲江寺  
草露珠摧武野烟  
四十餘年相唱和  
墨痕滴滴淚潸然

五句一作梅邊月暗江城夜

佐川田昌俊自號默默子是吾多年之莫逆也  
今茲仲秋三日病痾不正歿于淀南之村里  
吾聞訃甚嘆久之於是作絕句兩章以代  
嵩里乃慰其負荷山三郎之服次  
山三郎諱昌胤

八月上弦人有終空望影彩恨旻穹  
秋霖暴飯嘆無便武野淀河雲霧中

默默丈人捐世行多年  
接遇得交情為誰滴盡秋風淚  
砌下陰蛩亦飲聲  
除滴與老淚共零不知所措筆○癸未中秋下澣

雖失新即宅父憂間作詩遠寄之且求點竄  
余感其舊次其韻以代所求投贈之聊弔慰  
之規其前程云

驚駕起伊人喪乃翁幽愁暗恨志何窮一駒欲騁在  
東奧泣血待看淋汗紅

悼惜文殊院僧都應昌以弔尉見樹院僧都  
立詮之至哀兼歎舊遊之零落而表淚之所  
從云乙酉仲夏小盡

密言綺語共皆真飛錫留時轉法輪四十年來方

外友一彈指頃夢中入南山雲暗關山月上界風  
清下界塵芥粒須彌相入了豁開鐵塔又藏身

辛卯五月二十四日忽聞當應昌上人七年

忌辰

庭樹新陰失舊青又看梅南尚冥冥君心苦室七  
年艾端午時過十九冀慶安四年

追悼小嶋玄室以慰舍弟道慶

同氣爭禁永訣心淚痕滴盡夏天霖連枝棠棣一  
枝折綠暗春令原上陰甲午之夏

乙未仲冬十二日老醫板坂卜齋叟七十八  
歲疾病不起余相識殆五十年聞計如何不  
淚垂於是追慕之餘作絕句以代挽歌云  
醫家充棟古今書永訣終天淚滿裾殘了邯鄲枕  
頭藥加年四七黑甜餘

丙申正月下浣田乘雅當亡父十五年忌日  
作追慕之絕句請于向陽以求改削乃次其  
韻函三亦次之共感其風樹之志也余他日  
亦聞之同其韻

結髮宦遊關塞東亡親長憶倍幽窮五砧十葛雖  
相換心在終身喪服中

羅山林先生詩集卷第四十

羅山林先生詩集卷第四十一  
先妣挽詞  
哀悼三  
慶長六年重光赤奮若白藏南呂小盡日先妣  
妙珍氏逝於是家君舉喪茶毘中野  
秋半過時意最迷哀情多處萬行啼愁雲淡白烟  
濃紫一陣西風野外西  
死別悲哉又悼哉厚恩思十九年來最嗟今日秋  
風淚吹起郊原一片灰 余今年十九歲

羅山林先生詩集卷第四十一

哀悼三

先妣挽詞

慶長六年重光赤奮若白藏南呂小盡日先妣  
妙珍氏逝於是家君舉喪茶毘中野  
秋半過時意最迷哀情多處萬行啼愁雲淡白烟  
濃紫一陣西風野外西  
死別悲哉又悼哉厚恩思十九年來最嗟今日秋  
風淚吹起郊原一片灰 余今年十九歲

瘞骨于東山之寺松樹之下

生也年在未沒也歲于丑松下厚青苔骨枯各不

朽

先妣有慈信千余者異常人

軻親斷機約母減油擘擘先妣若人之儔

曾參嘗殺入慈母不為真我亦庶其孝深情敬負

薪

胸臆一從堆阜生愁霖淚雨不吹晴縱然編盡南山竹難寫當時永訣情

予十有三歲遊學於東山建仁禪寺寺僧勸予出家予不肯之及十有五歲夏寺僧請官吏告予父父曰隨彼意也因急欲祝余髮余乃出寺而去先妣謂余曰爾堂不語乎身體髮膚不毀傷者孝也又無子孫者為不孝也我養爾已十五年今爾其出家為僧是不孝也言已涕泗漣如予避席頓顙而白先妣言必如尊言不敢為僧也先妣於是喜色滿闈今又思此事不覺淚之愈下也

棄恩何可入無為懷舊於今念母慈元亮曾遊廬  
阜社掉頭歸去又攢眉

余按東坡集云錢塘圓照師普勸道俗歸命  
西方極樂世界阿彌陀佛眉山蘇軾敬捨  
母蜀郡大君程氏遺留替珥命工胡錫采畫  
阿彌陀佛像以薦冥福又云軾妻王李章臨  
終之久遺言捨所受用使其子邁迨邁為畫  
阿彌陀佛像於是作二像頌贊令也先妣專  
念阿彌陀可謂程王之流也原夫昔者常提

希遇逆子之難於是佛為之開十六之觀想  
是天竺淨土之始也龍樹前唱天親後導其  
後傳到中華東晉慧遠法師居廬山劉遺民  
雷次宗之徒結蓮社念無量佛是支那淨土  
之初也曇鸞道綽注釋其經通入其門及唐  
善導盛行之而普被緇白是其化之熾也  
本朝光勝勳民庶倡市廛世稱空也上人是  
本朝之善導乎爾來源信著往生要集唱滅  
于安養源空遠承善導近慕源信故云源光



之繩難係駿馬華嚴之案無畏蟠蛇其所著  
選擇集淨家以為秘要空之門流西山鎮西  
親鸞等別派不少比之諸家中分 本朝蓋  
人之信之其多如此今余以先妣平日有信  
心叙其少槩如斯是亦尹彦明寫金剛經之  
心耶絕句一首聊效東坡之風製云  
專念彌陀與釋迦一心不亂思無邪昨看北堂闡  
閨月今遇西方世界花  
右先妣挽詞并序孤信勝泣血書于時慶長六

年辛丑九月二十九日也

以上八首草稿有異向今從清書

庭前有先妣手自栽而所培之橘樹一株予

每見之思古之詩人以諷詠之三章 并跋

蔽芾綠橘勿翦勿伐先妣所友人去園存園亦人也况乎橘者

蔽芾綠橘勿翦勿敗先妣所憇鬱鬱葱蔥是德之秀亦道之茂

蔽芾綠橘勿翦勿拜先妣所玩靈均之頌召伯之詩是我所思

楚辭曰悲莫悲兮生別離是言不然也生別若  
又再會死別必未重逢且夫生者其死之始也  
會者其別之本也是以齊生死一別離則是不  
可以喜生不可以樂會亦不可以悲死不可以  
憂別也雖然此別有誰人其謂之不悲者乎江  
文通有言曰黯然而銷魂者唯別而已矣烏乎哀  
哉其以哀也

繼母挽詞 并序

己酉夏六月二十有三日家君之宜人年四十

有七歿於寢先是家君屢延諸醫藥焉服飲  
不佳病狀無良宜人之黨在大坂乃其姊妹也  
在上京者家君之姨與私其姪日日來問予與  
澄省定而倚于枕近於幃見其憔悴枯瘠以為  
疾日進一日予非精于術者而告諸家君訪于  
母黨無不憂焉荏苒侵尋無如之何竟至于此  
嗚呼悲夫  
可惜宜人不久年滿家哀戚淚潛然昔聞蘆絮今  
無有慚愧當時閔子騫

四旬七歲夢中時其旨縫裁念母慈奉養就中尤  
注意由來孝子可知鑿

冝人好佛得無量壽經金剛心之旨家君喜  
之於是茶毘西竺會者殆一千人火餘拾其  
骨

野外喪輿勝九回萬行涕泗盡餘哀遊魂體魄儼  
然去上是雲烟下是灰

厥夜家君謂予曰有沈于海葬于魚腹者有  
棄于山野與于豺狼鳥鳶者本邦之古如

茲今火葬善於彼哉予徐告曰夫火葬起自  
浮屠昔儀渠之國焚屍見其烟揚以為登仙  
夷狄之法閭維之後獲其牙骨謂之設利彼  
皆以為常而中國以為奇恠家君曰中國如  
何予對曰上世不葬其人舉而委之於壑狐  
狸食之蠅蚋蛄嘍之孝子慈孫不忍視之於  
是藁埋而掩之後世聖人制之棺槨封之墳  
基建之家廟時時祭祀而得其禮其書則儀  
禮禮記家禮等是已若夫焚尸不亦慘乎故

魯人恠夏父之煙令尹戒司馬之焚先儒之  
論亦昭昭矣而今浮屠之教上以為政下以  
為俗既倒之狂瀾不遇砥柱予之有意於此  
也久矣然河濱之人捧手而塞孟津亦已矣  
哉家君領之然心疑焉而不能變其習數日  
設無遮之齋七月二日瘞骨於東阜之大谷  
家君俱入梵王宮行過東山更又東第五橋流來  
脚底九重城闕望中草漣小路蕭蕭綠花落孤  
巖寂寂紅今日登臨空技淚好收斯骨古墳最

古今人世事無奈少歡惊生死同一理榮枯即有  
庸唯傷先落柳久祝後凋松何日北堂下解吾堆  
阜胸

元和七年辛酉正月二十九日當先考理齋  
七年忌設飯齋建仁大統古澗長老來預焉  
有一偈於是和而答之

正當忌歲啓柴扉留偈高僧舉世稀遺愛終身應  
不忘猶思孝子着班衣

叔骨東郊雲半扉遲遲春日往還稀花開墓上七

年木恰似桁頭遺故衣

今年自先考理齋捐館舍以來十有五年也  
五月初九日二十八日之際朝晚設無遮會蓋追  
其遠也我嘗聞佛書有薦亡者只四十九日  
為中陰而已其餘未之見也百日期年三年  
則中華之喪禮也而我邦俗倣之其七年十  
三年十七年二十五年三十三年等則我邦  
舊制之俗例也皆未詳其所始少納言信西死後  
十三年其子沙門明遍兄弟等修佛事獨是

為始乎余雖不好佛然先考信般舟三昧故  
不得已為繼其志而今及此嗚乎忌日者喪  
之餘也何為忘之哉故古人有終身之喪者  
謂此也如今雖云探支十七年然其實則年  
之遠近非所論也於是口占一首述追憶之  
情云

憶得元來父是天於吾教養欲兼全  
自慙悽愴味深切霜露空過十五年  
寬永六年

慈父理齋翁平日念安養栖心於淨域已二十

十五年今茲正月二十九日正當其忌日也  
日者喪之餘也不可不思焉故豫使洛陽處  
守者招其舊識以設飯齋余在關東聊亦此  
日不得徒爾於是請兩三緇徒數輩白衣以  
道其舊故蓋和靖誦金剛經之意歟

東武西秦正月天今思往事夢猶然應身歸入樂  
邦土土數同逢五五年  
感時濺淚意何窮五五年來春樹風即罷不坐今  
不滅阿空彌假又陀中 寬永十六年

理齋三十三年忌

丁亥正月二十有九日正當顯考三十三年忌  
古人曰忌日者喪之餘也豈可忽諸乎嗚呼風  
樹之哀慕濺淚於花驚鳥心於鳥不能自止也世  
不看祖考後世之不久而從歿者乎余今幸存  
得逢此辰且喜且慙至哀無文因口號一首以  
表寸丹云

家有嚴君沒不忘平生譜誦我章喪餘春到欲  
追遠十倍三年又大祥

異母弟釋甚性歲十三入密教門苦行修練  
灌頂學習殆平十年其間遍遊長谷高野及  
筑波漸為大僧自去冬嬰病不愈更數醫而  
遂不起今夏五月初三夜物故時二十二歲  
也吁命矣哉余在東武越十三日計至不堪  
嘆惜嗚呼至哀無文

歷過高野筑波山一錫凌空去不還後我生來先  
我殘娑婆三十二年間寬永元年

和稻冊牧悼甚性倭歌有倭字序載外集

曾上鼎峯烟一合龍起看曉月聽松嵐世間客舍葉  
指早乘彼白雲歸我庵

答竹冊牧悼叔勝五首并序

父卒子嗣順也子先父沒亦常也無非命也古  
今無所逃于天地之間史佚之用棺衣乃下殤  
也樂天之哭金鑿乃三歲兒也我叔勝十七歲  
為長殤不亦悲乎 本朝之昔朝綱之於澄明  
嘆一園之花無主見匡房之於隆兼恨九代之  
書使誰傳豈料今日在我也竹中君作挽歌哀

詞以賜焉讀之則一字一涕手不停披一行讀  
了數行啼哭嗚呼慰我哀乎又增我哀乎叔勝  
事在墓誌墓誌一通嘗既寫呈訖只今撮挽歌  
末句之字以為韻反被拭淚賦絕句五章以酬  
乏聊謙曼之云爾

我有長子新物故哀聲段段吞又吐床頭周易猶  
讀殘朱點淋漓血淚露  
忽為斯人築小墓悲腸斷處向誰訴貪名愛子我  
須休慚愧夕陽與朝露

十七年齡名獨存武藏野側草猶繁只歎買櫃永  
空手紅淚垂珠埋九原

良藥盛來口猶噤一朝離訣淚沾衿夢中偶欲語  
平生側席幽魂未安枕  
浴湯飲藥頻瞑眩去為長殤迅如電垂死未厭習  
氣濃唔咿聲中舌先卷

答壺齋悼叔勝三首

有倭字序號斷腸草載外集

我家長子乘小輦慈淚沛然如雨濺願借方士返  
魂功上天入地再相見



父在東關子在洛千里來省命俄落一自常熾奔  
月中人間不有長生藥

常恐斯人有沉痾卧床十日不暫住一身蟬蛻夏  
天風雙袖龍鐘秋夜露

和壽軒見悼叔勝詩韻吁哀淚與筆俱落云

志學年來道漸聆儒風徒憶立門庭他時宿草應  
行有請備明棗勸德馨

寫懷

武野草芳非年華賦式微就床常寤寐終夜更歎

歎眼下長蕩歿鏡中短髮稀故鄉無恙否人既昨  
朝非

林入翁哀詩 并序

親在不遠遊遊必有方說者曰方謂方所也我  
兄弟浴人也親老矣捨朝夕之養遠遊東關為  
不孝乎而其所以期則將歸鄉以為親榮也親心  
亦然故兄弟之在膝下雖無離愁親心不悅其  
在千里雖有離愁親心復悅所謂告也所遊而不  
失方所者矣不孝乎况遊事不為不義乎雖然

以顏閔之貧為孝非不足以三牲之養為孝非  
有餘其遠遊為可乎為不可乎設使奉毛義之  
檄讀伯之表則一點孝心豈不泚顏哉今茲  
六月十六日即罷捐舍於洛我兄弟在東關走  
告馳到聞之甚悲水漿不入於口幸一時賜官  
暇以許千里奔喪東舟急還我不幸是月有長  
殤哀而疲病不克早歸雖魏瑩之東敗西喪不  
能喻之也世政雖無太山之虎哀聲有似桓山  
之鳥不亦悼乎唯歎可埋羸博之柩而愧不獲

郭巨之金雖似有厚薄于彼此然父為長子服  
與父母無異則聖人之禮制也以其繼祖承家  
也我幼養於伯父為其後久矣故今長殤非所  
薄也歟既而七月二十一日入洛嘗所期之榮  
以為今日之悲是又雖今世之變而於我不亦  
大不幸乎於是入我門直入親家與東舟相  
對以泣瞿瞿如有求而不得皇皇如有望而不  
至嗚呼天乎命乎哀哉翌日東舟呈似哀詞數  
章見之則老父方外之交友大統高臺兩足木

寧永源等諸英衲所倡和之也讀則悲淚隨聲  
落而不止因爲我憂乃追和之泣血以書

家有同胞每慕儒老爺教育久相須最哀一別終  
天地昨自慈眼今自無

和大統大和尚被掉叔勝之禪詩之韻呼至  
哀無文云爾

悲勝礙積幾千重唯不見孝魂將往從華鳥如珠淚  
如露暗垂雙袖益龍鐘

皇韻酬正堅文被掉叔勝呼長吁一聲聲聲

滴淚與硯滴共落云

死生變化白衣雲十七年來厭世氛后土須知歎  
我祭晏夫不弔喪斯文湯無良藥却爲祟房有藏  
書空作群何日相忘長別恨一身憔悴甚辛勤

東阜十如禪師作律詩被追悼叔勝余讀之  
不耐於邑之至遂使淚涕散其紙渝其墨雖  
然反映嗣其遺響以謝之云

身是川流逝不來忽令父母永生哀讀書遠慕唐  
堯代志學高望孔子臺慈淚滴時常厭浥怨情多

處甚低摧就中腸斷知何事折却吾家小棟材  
今茲中秋月色殊佳令弟東舟在空憂不言  
之中被視唐絕倭歌誦之不堪悲憤時余有  
重喪故哀中之哀累月不止胸有霧眼有花  
淚有露不能看月然厚韻以相泣於連床之  
前云

三五天晴拂霧端月光初出一時團寢苦不對冷  
霄影泣向秋心裏看

答頌遊悼叔勝三首

有倭字序載外集

阿孃坤馬去即罷老為駒魂斷暮春雨淚流坳坎  
史塊苦身未穩水菽骨將枯豈伴女兒泣却添壯  
士吁一期寧短喪百事忽荒蕪庶悼心相亂莊歎  
我獨無只望車駕鹿豈敢室來烏原壤徒登木呂  
家空設芻鳧雞眠不得鶴尾動宜扶花韻屢薰誦  
喚醒泉下壚

丙申閏四月五日起文殊院余有亡室杖期  
之喪然以俗忌限既過故聞座客賦雨後杜  
鵲於是不能默止乃作一絕云爾

寂寞春過心事遠南風一陣露沾衣  
迎梅乍霽松陰暗蜀魄雖來人不歸

丙申七夕有歎逝之感

不耐尋常七夕遊秋心二字合為愁願攜天上支  
機石載到人間牽我牛

丙申重陽有感

去歲一家重九辰今朝何意室生塵  
坤裳勿說有妻道空見黃花不見人

丙申歲暮懷舊 十二月二日

舊友忽聞我子計哀歌數章代襍躄身是羽化尸  
解蟬飲殘夏木枝頭露

一別音容夢寐中覺來枕上發悲風淚痕不喜蘓  
亭兩哭了斯人歸太空

妙年力學慕宣尼酷恨沈痾不易醫  
千里尋親身早沒東關江上使人悲

次韻答藍溪禪師被悼叔勝

今茲季夏我子左門叔勝病歿于東武  
天性之道莫知其苗之碩况秀而不實乎天耶人耶抑

命耶吁悲哉於是告假旋洛永訣之恨累月不止中心是悼何日忘之雖云童鳥之不與太玄未足比我心也才不才各言其子也不亦哀乎龍寶山大慈大和尚者余方外之忘形也杖錫來用且被示玉偈其離怨嘆惜之情吊訪慰問之禮見於詞語之表不堪歎歎殆將廢卷嘗聞禪者說云父母非親何者為親須究知父母未生兒孫未生以前如何况其它人乎非所可親也而哀惜之何哉不然夫親之於子子之於親

憂色入恠問之答曰與其無子時何以異哉此是方外之談也豈人之情哉我折薪於儒林與樵夫談王道我子殆庶幾負荷乎而今歲纔十七而歿豈翅鍾愛多多而已哉復恨我山房藏書竟為壁蟬也我心匪石不可轉也以鉄作肝亦可消摧雖東門具如之何哉嗚呼道之興廢在人耶在天耶曷為不淑哉只望雅丈之憐恕我我亦不能不眷眷於雅丈於是次其韻以酬之謝其萬之硯滴雖乾哀淚不乾云爾

羅山詩集卷四十一

十一

別後黯然環堵中永歎弓冶墜家風此時反袂沾  
逢掖吾道雖窮淚不窮

答大橋重保悼叔勝九首 有倭字序載外集

孝子先吾世早辭仰思天道竟何為哀歌若擬楚  
人些冥漠靈魂須有知

鍾愛元來父子情一朝永訣淚縱橫出門歎息摧  
車軸失却前程萬里行

黃卷書中慕賢聖罹疾自惜不延命少年好學今  
既亡尺璧嘗與寸陰競

夏雨秋風我獨驚依倚平日讀書聲過庭容貌看  
如在夜夜呼名又目成

幽魂變化遠遊處喚不應諾問不語渠責阿舒我  
失兒歎羨彭澤賦歸去

禽獸憶兒心尚然人間況彼有因緣若非夜鶴籠  
中唳定是嶺猿枝上懸

林下寒儒有兒欲近殊可憐天運薄啓宇入黃  
壚

左氏膏肓雖可砭豈彭來銳勢尤尖我詞似借獲

麟句涕泗風吹袂尚露

門開無白澤爐冷有丹砂白澤失其守丹砂奈此  
瘥孝心雖在汝悔念却由爺借問彼蒼者嗚呼獨  
自嗟

右九首之內首六首以重保哀歌末字為

韻末三首置林左門三字於句頭

答長嘯子彼悼林入叔勝有倭字序載外集

黍賜哀歌淚自垂冷風秋露夜長時父為烏有子  
亡是齊楚東西我獨思

再答長嘯子吊慰其喪冷愛且追悼叔勝六

首有倭字序載外集

夢中窈窕入慈闈永恨人間覺亦非羽化天姬望

不及黃泉空瘞六銖衣

令愛長離去不歸春風秋雨淚難晞三年馬鬣瓦

松下試問孤墳墻有衣

鳴鶴在陰聞音響飛入松林離相養風雨一夜傾

翻巢枝頭無暇自拔釐

家兒只合繼箕裘天運於吾憂更憂曾祝延齡齊



鶴鷄何圖早世似蜉蝣

自幼志學身端死讀殘書典空在机即罷爭禁天性深朝思暮想不全是

我兒俄逝哀且叫只恐辱受君子弔掌上失珠別得珠華篇璀璨如日照

答男山僧昭乘悼叔勝二首

有倭字序載外集

兒輩辭世離我勝啼哭無夜又無日窓間忽落袖裏珠罔象一去終亡失

病來擁衾卧南牖十七年齡俄啓手遊戲非謫又

非仙唯哀軀壽不堅又

右林入叔勝哀詞共寬永六年己巳夏秋之際所作也叔勝穎悟早世故弔者甚多故所答亦不少

庚午正月十九日對左門牌

去年今日此人在今年今日此人無今朝垂淚向神主不用浮屠只用儒

我子早亡名久存木牌獨對泣猶怨題名攘并異端了喚作秀才林左門

信貞挽詞

永善長子庚午六月十九日沒于京師

今茲季夏我有事自東入洛時聞信貞卧病乃往問之將起敬而強制之因謝仰視曰辱枉來問既而曰府內無他否曰然父無恙否曰然友朋無恙否曰然雖不勝其病而動喜色曰宜快寢食曰唯翌日復問之卧而合手其氣宇如昨日茲我屢往見傍枕且執手數矣不見有其少間一日謂曰是月某日我祖小祥也今疾病不能自營謂父何耶時時不忘於懷蓋欲勿忝其所生如此乎累日疾不已欲更醫而其母不肯及其急革頻招數醫皆言不起無如之何先是飛書以告東舟比及其至既屬續時六月十九日也信貞幼讀書稍長不倦聯句于鼎賦詩于燭進而不止猶有所期而今如此不覺淚之賔也東舟不耐悲泣綴倭歌十首唐絕兩章并倭語序以寄遠聲我誦之掩卷復泣况於東舟乎於是想像之甚也和其韻以助餘哀云

風露青楓送夕陽淚痕葉底滴行行眼穿不見平

生面東岱山煙中望北邙

親憶男兒兒憶親自然天性古來均如令更恨永  
離訣曾是一家千里人 寬永七年

辛未六月十六日當林入阿爺之大祥忌

去者不還誰得追大祥只恐孝心衰三年過隙白  
駒汗便是高柴泣血時

常憶東西十里家一朝况復隔生涯積年哀淚兩  
猶凍士嶺窓前六月花

同月十九日叔勝大祥忌之哀辭

積裏神牌姓字新爭禁老淚濕衣巾三年日月烏  
飛絕影過前庭不見人

見左門兒墓有宿雪

陣陣春風宰木喬酷憐懷舊失垂髫君東風滴滴不  
筋淚苔雪雖消名未消

乙亥六月十六日林入老七周忌

先考忌辰奔電忙黯然日夜寫愁腸嗟吾哀別七  
年後樗散元來不櫟樟

同十九日叔勝七周忌日筆與淚俱落噫痛

哉其臨命言勿用浮屠禮儀然則儒者不言  
七年忌而今祭奠之則枉隨世情聊慰其母  
心云爾

悲氣如蒸六月天武州野草梟風烟朝來掃採墓  
間艾疾病於今已七年

挽詞一首口占悼舍弟樗墩子

古來秋思自悲哀況是天倫失此才  
擘破同根昆弟石半為頑蠹半埋苔  
寬永十五年

小堀遠江守寄倭歌悼永喜採其末句一字

以和答之

天倫永別秋戀戀藥爐殘處如向面月暗武野草  
露中淚痕玉碎看不見  
同年

已卯正月初四日到舍弟樗墩之墓見宿草

埋雪

五十餘年同骨肉風吹新墳又啼哭一囀黃鳥是  
友于草與殘雪相共宿  
寬永十六年

見左門墓

宰上名存馬鬣松春魂夢破未曾逢幾年青草易

苔髮政是人間情所鍾

感東舟墓

春風曳杖壙墳前一感一哀頭欲眩楊子亡童玄  
既絕香山有女集纔傳早還采地為官納遙仰蒼  
天唯獨憐幽處冰殘松竹迳黃雲繞石濕香煙

辛卯季夏十九日為敬吉諱辰故向陽函三

往別莊赴其墓炷香賦絕句還以呈之余不

堪悲慕乃次其韻而示向陽是日雨敬吉歿  
廿三歲

涼風悽愴雨降時橋木曾憂折梓枝嫋嫋餘哀音

未絕脚跟纏繞有紅絲

季夏十九日向陽函三赴別業設香炮于敬

吉之墓其歿後殆二十三年是日其忌日也

共賦一絕歸以呈之因次韻示函三偶滂沱

是豈沾木而已哉

晚夏吹顏雨裏嵐忽思舊事不能堪遺哀二十年  
來後逝者如川豎作三

癸巳六月十九日敬吉二十五年忌

五五年前去不還竈樓永別淚潺湲炎天昔鑠梅

花玉六月火雲蒸度山

甲午端午口號

去月七日函三妻有弄璋之慶以後蓍茵不佳  
更藥無驗至于晦夜遂掩粧嗚咽之至哀惜之  
甚不易言也遇此佳節雖例非例然隨世情而  
慶與哀相半想外家之愁悼如何哉况於余衰  
老有大耋之嗟乎禍福如纏物無兩大是古今  
之常也噫函三以勿嗒焉矣夫孝子喪親之禮  
毀瘠不形視聽不衰况其他喪乎子思之母死

未聞伯魚之致毀也伯魚之母死孔子嘻其父  
哭謂之甚也伯魚聞而除之然則孔子之不久  
哭明矣可不思而察乎

端午時節好風物菖蒲楝葉共葱鬱嬾媛相憐婚  
姻家唯吊女類不席屈

和函三悼內詩四篇

事在其序及我端午詩序情見於其辭語函三  
自春末罹小咳未快廢讀書停吟咏殆乎累日  
唯專顧神保和而已沉約毋減燈油之意其在

茲乎方今見悼內挽詞悲歡並發昔聖人教孝  
于孟武伯以其疾之憂我所願其愈彼故耳遂  
次韻以示之勿勞可也勿苦吟可也  
夜半杜鵑啼且飛是耶夢寐覺還非瞻望冥冥知  
何處臯篋闈中一襲衣

五月落梅江畔城長吁永歎寸心驚斷腸繫得薰  
絃上唯有南風不世情

遺容裁紙前離恨永綿綿晝夜哀川逝壙墳入曉  
眠掌中溫玉失眼底罄舟遷襁褓三孫乳老癯心

閔然

人先佳節不生還莫是藥方留玉顏淚滴引年蒲  
葉露結為夏膏貫華鬢甲午五月十九日

八月五自往承教練若見吉娘墓

永訣駟陰遙臨坐酷耐憐淑容埋白玉老淚滴黃  
泉清滌灌通地篆煙熏徹天昆孫應若見悽愴草  
芊芊吉娘者函三妻名也其父母葬之於城外承教練若函三有改葬之志然未果

羅山林先生詩集卷第四十一 終

羅山林先生詩集卷第四十二

哀悼四

宜人荒川氏哀詩

丙申三月二日雨雪

寒影春深奪彩霞曉來六出夕陽斜東風有恨西  
王母上巳前朝雪惱花

是日未申之交山妻疾病屬續所謂病如桃  
花竟不言嗚呼哀哉痛哉

春晚寒花片片飄未看灼灼見瀟瀟桃花天地不

羅山林先生詩集卷第四十二  
宜人荒川氏哀詩  
丙申三月二日雨雪  
寒影春深奪彩霞曉來六出夕陽斜東風有恨西  
王母上巳前朝雪惱花  
是日未申之交山妻疾病屬續所謂病如桃花  
竟不言嗚呼哀哉痛哉  
春晚寒花片片飄未看灼灼見瀟瀟桃花天地不



祥氣紅雨纔消雪不消

山妻自去春患齒痛

一身榮衛久疼煩雪做臙脂舍又噴猶啓絳唇寒  
殺齒桃花白石是同源

野妻小字龜

有子有孫聊茂滋斷機欲慕古人慈一春金母背  
桃去臺是龜耶名是龜

荆釵卧内不沐有時稍用櫛

沉痾乘暖轉勞勞雖伯不東無用膏酷恨三花相

競落荆釵頂上不攬桃

上巳

禹門三級桃花水人去急流疾於矢緣有中饋昨

日非何爲上巳今朝是

同

春夢一場驚起悲滿家恨不及期願武陵佳節雲  
迷眼失却桃花好面皮

同

日不能消時不嘉遊魂變去入紅霞已展風雨桃

無色梳脫仙人掌上茶

同

西飛青雀一天涯沉痾不瀟修禊時喫過頭邊玉  
母藥桃花為馬飲瑞池

同

世皆曲水羽觴巡何事山妻負暮春縱是吾廬非  
梵宇桃花寂滅不看人

見桃花有嘆

可歎浮生駛藥爐灰不死千尺桃花潭老淚湛為

水

同

一樹韶光何日忘幽蹊無處覓春粧桃花見感負  
吾去只管靈雲不諳當

同

眼暗艷陽三月天不言唇口噎春烟自今誰是紅  
挨拶人與桃花去宵然

同

淚似河源不可窮孤鷺失友泣東風白頭同穴別

離苦欲逐桃花落井中

同

古往今來生有涯，彩鸞拋鏡入煙霞。淚如汗血潘  
如馬泣，露河陽紅雨花。

同

天台洞畔有別墅，劉阮雲迷來遊處。莫道輕薄逐  
水流，輕薄公子折花去。

儀禮載夫於妻之服，余思用其十之一二。春  
齋，搗朱文公家禮，聊存其十之二三。于百件

與函三同其志，粗斂整之擇其木，準其儀擬  
其服，祭其土，啓自余宅。途次難力一柄象方  
相氏揭銘，旌捧魂帛，二子芒鞋徒步送柩，葬  
之別業山莊內。同門之人會葬者十許人。時  
是月五日之夕也。所謂喪稱家之有無者，歟  
春齋歸而寘神主於淨奧處，與函三順序以  
奠拜。既而七日，余往向墓燒紙。

暴風喪野妻，秋淚滿春闈。埋鏡泉中暗，碎珠花下  
迷。已裁云鬼帛，當刻外孫齋。新土藁埋掩，一抔使

我啼

同

半百九齡情義敦猶疑儀貌到今存唯綠輿觀歌  
蒿里何用鼓盆追漆園江草喚愁幽處寂風花眯  
目小蹊昏爛腸五斗泣噴血鐵石心肝也斷魂

戶外杏樹每春與堊妻共見同賞今春花開  
我獨看之老杜云感時花濺淚况於今乎

杏邊屢嘆嗟無意弄韶華風軟艷陽動日移紅影  
斜緇帷誰仰慕碎錦豈交加セヤトホヒキケン矣开官氏千春壇

上花

同

閨前杏花日邊暮人如紅雲不暫住春意闌了淚  
雨淋天爲我兒降甘露

春信悼祖母作挽詞一律余竒之益悲之乃  
不次其韻以和其意以作絕句一首

陪待病床方寸驚別離惻惻更吞聲酷憐祖母頽  
齡短言志如陳令伯情

春信第春常哀祖母沒綴絕句一首余見之

增其哀情而和之不同其韻作五言小絕  
祖母終天別眼中紅淚含悲哀酸苦語開口報分

春齋函三晉議私謚母曰順淑孺人然後告  
余按謚法慈和遍服曰順詩傳云淑善也易  
坤象曰地勢順是陰道也妻道也坤之象乾  
也妻之順夫也同一理也晉義曰婦順備而  
後內和理而家可長久也孺人在家從親笄  
嫁從夫皆以順則婦之道也是所以脩身齊

家也中庸曰妻子好合如鼓瑟琴孔子曰父  
母其順矣乎如此不亦善乎若淑女之字義  
雖似有嫌其僭然有私淑之語則可以無嫌  
乎家有儉閨有範內言不出飲食有時裁縫  
有常愛兒孫而有誨使婢隸而有節不見奇  
色不聞邪聲不嗜宴樂不好遊觀能使人皆  
服其慈和是等之類可推其餘謂之順淑亦  
何嫌疑哉余壯歲遊事于駿府孺人在洛經  
年共到府逮前太相國薨背而送孺人于

洛余赴江城其前後往還之間殆十數年孺  
人留守洛之家貞靜嚴修鞠育兒女專一不  
怠其後舉室與余共來住江城其艱辛居多  
雖丈夫不能過也此不可以無謚乎古有詔  
賜謚焉有無爵而謚焉有門人為師謚焉有  
朋友為之謚焉有鄉人為之謚焉有妻為夫  
謚焉展季曰惠黔婁曰康之類是也先儒謂  
婦人從夫爵其別謚者自周穆王稱盛姬為  
哀淑人禮與焉士卑無謚婦人無爵唯從夫

爵是以從為稱也婦人有謚者周未例也然  
婦人既謚其夫則子可以謚其親今曰順淑  
亦其義也號楚昭王夫人曰貞姜尊梁寡婦  
曰高行漢文帝號陳寡婦曰孝婦梁鴻字其  
妻曰德耀此等之輩不為不多然則為人子  
者尊其母之號豈不為孝之一端乎  
持家齊體至相親歿後時時慕孺人子政眼明吾  
却暗一篇貞順讀殘春

孺人墓稍成春齋考禮記檀弓篇云有堂坊

覆夏屋斧之形聖賢從其若斧者所謂馬鬣封也與有志之人愈相共檢之欲從其禮一  
日余往見之乃告春齋訂其上乃與伏斧之  
少異以命役土築之

一炷香烟空郁芬眼穿遮却暮春雲不圖昔日牛  
眠地忽做當時馬鬣墳

十五日距忌日既十四日余素服白帽布帶  
表淡墨單燒香于孺人神主既而食素了赴  
墓省視燃香而還嘗見唐楊氏喪儀云唐人

遇亡者七日則以其所遺衣物施僧今我不  
然焉是日用望而不用一七今般二子哭泣  
之暇聊據溫公徽公家禮儀所云不作佛事  
者是也孺人慣父祖所執守而念西方雖然  
病裏命一子曰喪葬任汝輩所便可勿茶毘  
唯儉薄可也二子奉旨粗依家禮以襄事而  
弔者僉曰用其家之禮也昔尹彥明隨母教  
一且誦金剛經平日微諫不聽乎蓋不得已  
乎若夫二程之萱堂則不攻異端可謂英烈

之婦人也孺人每遇考妣先舅及長子忌日必潔齋平日憶念之不倦不易測也然我常罕見其持數珠罕聞其唱念誦可謂不怕生死不惑祈求可以嘉焉而今如此噫三五朝來神主前况今向墓袖潛然藁砧有搗春愁在月半瞻望破鏡天

同

聚散乖逢天地情枕高懶聽暮江聲坐來一夜隴  
隴月虛室無人白不生

幼孫春信哀慕祖母泣賦挽詞一律余次其韻

孫謀貽處練心腸猶訝慈容存與正花淚泫然漂錦水梅魂去不返錢塘人皆追遠難為厚我獨隔生何即忘欲附冥冥歸雁翼望雲眼暗不成行春信第春常悼祖母作挽詞一絕因次其韻宇宙推移過客陰悲哀中節是恒心大號聲裏成文處水上春風渙汗淋

立詮上人作哀傷倭歌二首并序序余亡妻



其懇款之至不可以不謝然以在憂中故延  
及于今云

野草如翁共白頭開房獨自喚吾愁花陰柳影動  
川上晝夜春波逝不留

又

淚涕為河將陸沉空閨寂寂暮春深夢中喚婦無  
鷹者燕日雖晴鳩雨陰

田乘雅寄一絕句追悼拙老妻益添餘哀因  
次韻以酬之

喪耦爭禁憂患多春閨悶爾不誰何東風淚滴玉  
蜍露將瀉來詩擬感歌

卜幽韻人賦一絕句被吊悼余荆釵零落其  
誠忱之至不能不報於是繼芳響洩餘哀云  
雲暗花迷閨闔前春魂似唱想夫憐同胞軼轍喪  
成國慙愧當時蘇老泉

友元少年寄五言一律悼拙妻殂去有老淚  
滿襟之語固然於是次其韻以酬之

仙霞何處尋嗚咽在喉襟曲几團蒲冷麝堂幽草

深鴛鴦歎獨宿鴻雁感孤吟  
吊慰來詩懇東風吹寸心

孺人枕邊有雙盆  
菖蒲見之怡悅及其病革  
皆曠枯

兩箇盆盤慰目前  
一莖九節忽萎焉  
登瀛中女老辭去石上昌陽不引年

又  
人乘春夫霧我惜遲白暮  
曾聞東坡言心與昌歎  
苦

去歲窻前栽杉四十餘  
本環繞銅庫孺人疾  
病彌留時柯葉改色  
眇不怕顏及歿枯者  
二十株許其土不宜乎  
時不宜乎之郭橐駝之  
術乎抑永訣之憂為之  
徵乎

悲檜非松非梓梧青青  
還赤二十株雖疑莊子  
如柴立杉木槁時腸欲  
枯

又  
庭際風杉青只麼一朝  
枯槁枝葉墮蔡順採薪  
大感歎遺教兒孫思負荷

余宅有二井孺人病裏一井水濁一井水清而清如恒有潛怪之者家人曰枯槁舊繩朽腐故換之者不覺其新索之有煤汚也井不為祟也奚怪焉

二八三八清泉出偶然濁色歷兩日此心井井不起波長恨夢桑加十

正適生作挽詞一絕以悼余亡妻技者淚添感慨乃次其韻

遲日凌霞避故園春衣遺處欲招魂誰怜仙鶴舞

雄夫只有舊巢松樹存

了的生賦一律追悼山妻之棄世余潸涕泗以次其韻

荆釵家術不雕權齒與餘春惜共終繯戶黑耕驚枕上老峯白髮落盃中昏明懊惱菱花影上下顛狂柳絮風哀子順孫遺種在因緣勿說所生空

二十七日午後春齋招向會葬之人二十輩許設素食以謝之余聞之作律詩一篇

至哀無斐文愁寂暮春雲宰我難安稻顏淵不茹

葷寸忱知淡味小飲奈微醺嫌是未嘗飽聖言吾昔聞

妻喪服甚以至親故也禮也我國俗忌二十日服九十日爲限上自朝廷下及庶民皆然於是聞執事之所言而令月二十八日余忌後始入營會二三日柳營罹痘疹三執事及左右近侍不歸家舉府卿大夫士悉無不日日詣問余亦若徒也貴恙尤輕淺人皆甚悅闔國按堵

喪期輕重記九族位次幾品幾泣哭既生今世隨倭風來冠魯衣及鄉服

三月三十日有感

歸雁萬里雲相失目送迢迢一蓬算愁繩長不繫飛花况又餘春大盡日

野口永安生歸自洛來謁其顏色愀然似恨不會齋人葬也余不能不感是月晦安着深衣往燒炮于墓前乃呈挽詩而去守塋者告向陽函三余亦聞之未暇改正其來詞姑次

韻以投之

土饅馬鬣不甌更淚似流九地上濡堪恨今無人  
執爨一鉢忍斬五倫躬

四月朔日俗謂之更衣以袂衣換綿著也余  
被袂登城二子猶居憂不改素服造詣孺人

墓而春信春常亦徃彼上香云爾

騶駘義鞭疾急行青陽忽過向朱明  
腰帶羅袂雖輕情不輕

又

二子歡粥面深墨吾亦堆阜在胸臆元是落花不  
歸枝樹樹新綠豈舊色

伯元丈悼山妻厭世以挽詩一絕淚添老眼  
乃次其韻

晴絲成髮墮於空我所憂思幽夢中休道兩鳥相  
倚睡一雌春去負浩公

正竹生賦挽詩以弔余野妻蓋棺添余淚之  
未乾因次其韻

黯然求訣意奔飛混混川流入海歸淚雨擎張花

底蓋不期荷葉製儒衣

是月二日孺人亡後二十日也古人所云忌日喪之餘也每月非有此忌日也一歲一度用其亡日故本朝年中行事以天子崩日為國忌是不謂每月也朱子家禮亦然二十一年前朝鮮聘使來貢余蒙鈞命往彼旅館而問之對馬太守宗義成呼譯語者訊之聘使答曰一歲一忌日而已非十二度月之謂也余登營以白之太樹領之曰理固

當然雖然十二箇月忌日自若也若我家自今已後可用一日之忌辰也乎否猶可以議焉

白髮抱愁新空閨拋鏡頻風光三十日石火百年身

春齋作孺人事實一卷具記顛末捧出呈余可以感焉昔程正公著先妣上谷郡君家傳凡為人之子者不可不知之慈母哀子之際天性可如此者也嗚呼

我家私淑慕伊川深入陶泓漏似泉孝子遺哀侯  
上谷大中一去百千年

函三居孺人喪黯然默然不食甘旨既及三  
旬我恐其哀之過也於是作哀辭一篇余見  
之與孺子慕而不克得者無以異也我覺其  
哀而不傷也聊可以慰焉  
縗衣拭淚奈悲傷此別終天永不忘日日向墳如  
陔屺欲求欲得幾瞻望

四月六日小嶋道慶生袖一絕來帛去月初

二日我野妻屬纊乃見之又添悲思因次其  
韻

中心九轉寸腸回春末夏初情益哀人與冥鴻巢  
燕異自今每歲不歸來

以仙生賦一律追悼山妻俎余誦之爭禁痛  
嘆乎乃次厥韻

妻是至親者意根難拔之永離霄苦短實夢晝增  
疑雖惜白頭伴何成赤子悲一家今失手空過林  
期時

元格生追悼去月拙妻殂去以呈一律詩見  
之彌增悲歎因次其韻  
水逝不留東別沱三春一瞬電飛過石源白白與  
花碎銀海朧朧奈月何迷燕王堂無限愁失鳳信  
國有妻歌莫教去者日踈濶淡似流星落濺梭  
四月二十一日距孺人蓋棺已五十日春信  
詣墓前作絕句歸來呈焉其哀慕之情可以  
觀之乃次其韻

爭禁半百日推遷祖妣墳陰綠樹天夏到老鸞玩

甚渴雌泉酒不引雄泉

吏部大卿源君聞去月余野妻歿而枉高駕  
被弔之且賜芳信屢矣不堪感戴余過俗忌  
限往拜其辱既而詠倭歌一篇兼寄春齋春  
德被慰母子之哀情共拭淚而薰誦之其厚  
懇之至余亦悽然二子倣古人居喪不作詩  
之例故余採其清歌之末字爲之韻綴絕句  
以謝奉其曼乙

終天雲迷永訣路挽歌惠來比薤露春江淚流肯



忍眠沙上雙鳧倍怨慕

野妻久嬰沉痼而不起今茲丙申三月二日  
遂屬纊永訣之情哀悼有餘於是三品羽林  
源君辱賜弔慰之貴价不堪感蒙之至頃日  
特賜排律二十韻挽詞之玉音薰誦之則鍛  
學為句鍊句為章累章為篇駢四儷六聯珠  
簇錦匪啻耀于昏曉而空房生輝虛室生白  
古人有濺淚花鳥者如今對此如何不涕泗  
流哉字字行行吟于口感于心且喜且慰且

恨且歎卷之舒之不知幾度也欲奉謝其萬  
一湯次高韻謹以進呈左右

山妻儀配久聞外不言他結髮釵荆棘束腰帶薜  
蘿細針縫歲服單袖拂雲和一節既夷險三從豈  
輒輒忽逢肩背痛又患齒齲痾暴雨萎花落季春  
飛鳥過黯然胸似阜愕爾涕如沱諫念壽無量嫌  
云中即陀孫飴分羨菓兒手捧么荷平日每憂緯  
今年俄擲梭北中苔掩影南浦草揚波良藥爐纔  
冷孤燈宵未炷蘭郎男子轡蓬首伯兮戈截髻喜

浮蟻辟纒咲吐鴛化雖為異物力巨倩夸娥舉世  
歡悰少有時懊惱多思哉貞在饋聞否哭無歌泣  
露斧形土先秋金旺禾肅風吹上界微月入西南  
幸辱徽音到榮哀知幾何

余家二子罹喪三品羽林源君辱賜挽詩一  
律十韻圭復之餘感戴之至也字字眩銀海  
山行行拭紅淚何不欲奉和麗韻以獻其醜乎  
雖然古人有居喪賦詩之謗故強默止云爾  
余於是代二子以湯和奉之

往事渺茫自深省爭禁孤燈太淡冷嘉平牀前無  
嫦娥虛室生白欲問影  
朔風撲枕夢魂迷線影長適日已西未得忘憂却  
冰酒寒闈叫起伯倫妻

羅山林先生詩集卷第四十二 終



